

靈寶無量度人上品妙經卷之五十二

宙一

靈寶無量度人上品妙經卷之五十二 宙三

玄明洞淵品

道言昔於紫元天中綠景空歌太晨光土受  
元始度人玄明洞淵無量上品元始天尊當  
說是經周迴十過以召十方始當詣座天真

大神上聖高尊妙行真人玄明洞淵五靈玄  
老水帝八方九海洞淵龍王水官四十二曹  
江河泉源官屬將吏無鞅數衆昇空而來流  
雲靄霧鬣黑玉之輿玄明之輦紫蓋神輪洞霄  
垂蔭流虹寶光萬色鬱勃洞煥太空五日五

夜諸天日月星宿象沈海影網蟠玉樞珠暈  
璣微停輪駐耀神宮鎮靜靈嶽收雲天浮八  
騫氣清九野一國地土山川林木緬平一等  
無復高下土明玉晶無有異色衆真侍座元  
始天尊玄坐空浮玉光七變靈輦寶座之上  
說經一遍諸天大衆同時稱善是時一國男  
女歸依元始玄明洞淵之法悟此生元先從  
珠露說經二遍信知真水變化無窮說經三  
遍知見柔明利物幾道說經四遍思念生宮  
初降洞淵之氣腎華甲坼神龜漾遊說經五

遍心穴宏敷靈潮機動玄明散液萬竅滋流  
諦觀靜念體妙無為說經六遍天霑澄湛明  
可分神一一玄中具我身相說經七遍洞淵  
靜碧龍神奉教說經八遍海雲擎露甘液潤  
生說經九遍水光發爛宮殿千層中有天民  
咸悟道法說經十遍玄明之氣化成紫雲普  
覆諸天現無為海幽沈苦爽解脫逍遙是時  
一國是男是女莫不傾心皆受護度咸得長  
生

道言是時元始天尊說經一遍東方無極無

量品玄明洞淵至真大神無鞅之衆浮空而  
至說經二遍南方無極無量品玄明洞淵至  
真大神無鞅之衆浮空而至說經三遍西方  
無極無量品玄明洞淵至真大神無鞅之衆  
浮空而至說經四遍北方無極無量品玄明  
洞淵至真大神無鞅之衆浮空而至說經五  
遍東北無極無量品玄明洞淵至真大神無  
鞅之衆浮空而至說經六遍東南無極無量  
品玄明洞淵至真大神無鞅之衆浮空而至  
說經七遍西南無極無量品玄明洞淵至真

宙二

二

大神無鞅之衆浮空而至說經八遍西北無  
極無量品玄明洞淵至真大神無鞅之衆浮  
空而至說經九遍上方無極無量品玄明洞  
淵至真大神無鞅之衆浮空而至說經十遍  
下方無極無量品玄明洞淵至真大神無鞅  
之衆浮空而至十遍周竟十方無極玄明洞  
淵天真大神一時同至一國男女傾心歸仰  
咸相議言元始天尊來降此天百寶紫元天  
宮爲諸仙衆顯揚玄妙五行真水之法其氣  
名曰玄明洞淵我聞玄明爲真水之德形色

俱美洞淵為真水之量幽深無涯若以我等  
所見五行之水滔天洋洋浩浩不測不知無  
形五行謂之真水名曰玄明洞淵作何體狀  
天地未分先有真土土能固攝十方上下其  
中真水無量無邊風氣鼓之凝為萬物是生

言二

三

命本為大道元始天尊今日宣演五行無形  
真氣之妙我若得聞自得超昇神霄上境皆  
當朝禮天尊觀獲大慈遺我勝法作如是說  
敬禮再拜來者有如細雨密霧無輒之衆迨  
國一半土皆偏陷非可禁止於是元始懸一

寶珠大如黍米在空玄之中去地五丈元始  
登引天真大神上聖高尊妙行真人玄明洞  
淵五靈玄老水帝八方九海洞淵龍王水官  
四十二曹靈司掾吏無執數衆俱入寶珠之  
中天人仰看惟見勃勃從珠口中入既入珠  
口不知所在國人廓散地還平正無復歆陷  
元始即於寶珠之內說經都竟衆真監度以  
授於我當此之時喜慶難言法事粗悉諸天  
復位脩歛之間寂無遺響是時天人遇值經  
法普得濟度全其本年無有中傷傾土歸仰

咸行清淨妙靈智心心行如水利澤無盡明  
一明順明通明照明智明慧明辯明道明玄  
明空心無留滯默契玄妙同造杳冥深悟至  
要國安民康逍遙太平經始出教一國以道  
預有至心宗奉禮敬皆得度世

道言元始天尊說經中所言並是諸天上帝  
內名隱韻之音亦是真王內諱百靈之隱名  
也妙化無形真水玄明洞淵之法夫玄明為  
水之情性洞淵為水之室宅流則為智靜則  
為慧流故能通靜故能照爾能體之自然得

道天地以靜真水生民物以靜真水行燥熱  
為火靜寒為水燥可勝寒靜可勝熱真水生  
故也爾若安靜真水自行變化日生靜為命  
元靜則長生非世之常辭上聖已成真人通  
玄究微能悉其章誦之十過諸天遙唱萬帝

留二

四

設禮河海靜默通導淵源日月合度璇璣不  
行群魔束形鬼精滅爽回屍起死白骨成人  
至學之士誦之十過則五帝侍衛三界稽首  
魔精喪眼鬼祆滅爽濟度垂死絕而得生所  
以爾者學士穢氣未消體未洞真召制十方

威未制天政德可伏御地祇束縛魔靈但却  
死而已不能更生輕誦此章身則被殃供養  
尊禮門戶興隆世世昌熾與善因緣萬災不  
干神明護門斯經尊妙獨步玉京度人無量  
為萬道之宗巍巍大範德難可勝

道言凡誦是經十過諸天齊到水帝列言泉  
曲悉宥開朗冥關億曾萬祖幽魂苦爽皆即  
受度上昇朱宮格皆九年受化更生得為貴  
人而好學至經功滿德就皆得神仙飛昇金  
闕遊宴玉京也上學之士修誦是經真水上

應五臟育嬰昇入泥丸玄霜紫冰皆即受度  
飛昇南宮世人受誦則洞靈激奔神泉八周  
益軀生神延壽長年後皆得作尸解之道寬  
神暫滅不經地獄即得返形遊行太空此經  
微妙普度無窮一切天人莫不受慶無量之

宙二

五

福生死蒙惠上天所寶不傳下世至士齋金  
寶效心盟天而傳輕泄漏慢殃及九祖長役  
右官侍經五帝玉童玉女各六十四人營衛  
神文保護受經者身

道言正月長齋誦詠是經九變三真澤及重

泉為上世亡寃斷地逮役度上南宮七月長  
齋誦詠是經真水出胎道受永年身得神仙  
諸天書名黃籙白簡削死上生十月長齋誦  
詠是經復本還源功歸上玄總攝正氣統御  
高仙為國王帝主君臣父子安鎮國祚保天  
長存世世不絕常為人君安鎮其方民樂太  
平八節之日誦詠是經神泉流轉玉關冲盈  
得為九宮真人本命之日誦詠是經真水清  
明內照形神出紫入黃五臟生英寃神澄正  
萬氣長存不經苦惱身有光明三界侍軒五

帝司迎萬神朝禮名書上天功滿德就飛昇  
上清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐青黃白三色雲

氣之中內外翳冥有青龍白虎朱雀玄武  
獅子白鶴羅列左右日月照明洞煥室內  
玄明洞淵之氣狀如紫烟羅絡交灌洞見  
百神項生圓象光映十方如此分明密呪

無白

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十二人關啓所言今日吉慶  
長齋清堂修行至經無量度人願所啓上徹  
徑御

無上三十二天元始上帝至尊几前畢

引炁三十二過東向誦經

由二

六

人本無量度人上品妙經  
天啟師玄靈寶本章玄師師師上品果關  
天啟無量度人上品妙經大明神

元始無量度人上品妙經

元始洞玄靈寶本章玄明洞淵上品泉關度  
入蒼華隱韻肇氣自然混合玄明虛無至真  
一元立本二氣始陳至陽下降純陰上昇天  
真開發包絡飛騰元和太朴流結冲融氣達

崑丘精通如泉泉號玄明積為洞淵洞淵生  
龍龍為玄蟲九首兩翼金額銅宵恍惚之中  
變化神通主持氣母宰育群容品物既宣玄  
道亦傳元始祖劫化生諸天玉光開景是植  
玄根元氣為祖惟道為身大明結華華芒蔚

文五官建立變化神靈是為大梵天中之天  
鬱察玄峯龜臺玉城上極元景泰洞高清眇  
眇曆紀劫刃飛精三華廣堂虛梵琳庭金闕  
丹陽燿寶神池降注天液保度無衰玄明成  
露流空洞淵洞淵無極九壘剛源變化之妙

宙二

七

昇入九天周行正氣運轉天關中有玄明洞  
淵之神中有南極長生大帝中有東極青華  
帝君中有度世司馬大神中有好生韓君丈  
人中有玄上司變司化持天保劫大洞尊神  
迴骸起死無量度人今日校錄諸天臨軒

東方無極飛天玄明洞淵神王長生大聖無  
量度人

南方無極飛天玄明洞淵神王長生大聖無  
量度人

西方無極飛天玄明洞淵神王長生大聖無

量度人

北方無極飛天玄明洞淵神王長生大聖無

量度人

東北無極飛天玄明洞淵神王長生大聖無

量度人

東南無極飛天玄明洞淵神王長生大聖無  
量度人

西南無極飛天玄明洞淵神王長生大聖無  
量度人

西北無極飛天玄明洞淵神王長生大聖無

量度人

上方無極飛天玄明洞淵神王長生大聖無

量度人

下方無極飛天玄明洞淵神王長生大聖無

量度人

十方至真飛天神王長生度世無量大神並  
乘明雲紫淵之輿青玄玉輦鳳蓋蜺輪駉駕  
九鳳七色蒼龍建汗漫總靈之節十方洞淵  
之旛前嘯衆真齋唱後吹列羽同鳴獅子白  
鶴嘯歌雍雍大帝啓途千官翼轅億乘萬騎

宙二

八

浮空而來傾光回駕監真度生太玄丞相暘  
谷靈宮玄司主錄下元水官執錄把籍齊到  
帝前默召玄明制地參天萬生被浹枯涸生  
泉玄明真水凝化億門高嶽巨山寶闕珍林  
皆資玄明結固變成九河水帝玄津大神上

循閭崑十二洞樓絳海黃池素波紫川骨鍊  
金石面流渥丹長生隱遷司命帝闕隨所應  
度嚴校諸天普告三界無極神鄉泉關幽夜  
北闕艷都四空六帥六洞靈魔寒夜暗域考  
察玄司四瀆七澤十二谿真上解祖考億劫  
種親疾除罪簿落滅惡根不得拘留逼合鬼  
群洞淵符命時刻昇遷九源玉池部衛形寬  
制魔保舉度品南宮死寬受鍊遷變成人生  
身受度劫劫長存隨劫輪轉與天齊年永度  
三途五苦八難超凌三界逍遙上清上清之

天天帝厚冲無色之境梵行

東方八天

龍明瑞玉天

帝肅辭祕登

滋慶道統天

帝承翰鴻暉

玉真辨玄天

帝殿運晞逢

流華注靈天

帝無惟育光

崇延竟祝天

帝盟章奉高

理懷變化天

帝玄玄鑒侯

雲府降澤天

帝執珠登全

道英晶无天

帝爽造延士

宙二

九

南方八天

珪辰鎮陽天

帝錄莊修皇

赤射飛光天

帝保氣曜備

洞溪迎龍天

帝對榆倚玄

化國雲宮天

帝尚丁惟寧

照玄生氣天

帝著時量瓊

天英和液天

帝生演輔童

龍肖溢真天

帝拂化慈元

聖正仙期天

帝洞梁無瓊

西方八天

毫靈伯江天

帝足宗寧方

金根養无天

帝道微斥廬

玄合流素天

帝廣淡題徊

朝仙變瀆天

帝優玄賜封

契真恭淨天

帝翻山白從

迂寂思冲天

帝濮并屏閭

逐神化幾天

帝妙洞止評

洋思定曆天

帝籌突紀庸

北方八天

帝

寶笥扈書天

帝拂億蠢茲

列源正一天

帝命仙儀中

瑤光述液天

帝逸常京

曩正理和真天

帝隨洪次章

攝司會光天

帝召神略玄

祈聖格淵天

帝昌回敷紳

宙二

十

現龍降河天

帝擇毗衍門

幾紀因盟天

帝孚廷剛

三十二天三十二帝諸天隱諱諸天隱名天

中空洞自然靈章玄明隱韻洞淵之音玄明

之尊洞淵之神玄明真魔洞淵之靈九品十

階變化上清洞淵之奧深不可詳龍以水神  
風爲火靈水中出火龍火水精真氣迤覆敷  
落神真火中出水心動精成天中之水子命  
之神若有能之普度天人今日欣慶受度飲  
咀玄明身入洞淵歷關諸天請滅陰惡斬絕  
地根高超六氣神昇太玄真王監舉無拘天  
門東斗蒼精西斗素童北斗玄真南斗丹風  
中斗黃耀珠光化鎔如是神王居洞淵宮外  
玄內明八海攸同一氣變形真水潛通天地  
合德萬物安豐生氣之海中有九龍太霄合

景上與天通身關大運六氣之真飈歛乘邁  
超遇九神青帝生魂白帝育魄赤帝攝氣黑  
帝滋血黃帝正極肇立真宅青帝龍王安寶  
飛華赤帝龍王元善鬱羅白帝龍王玄霄玉  
霞黑帝龍王道柔顯和黃帝龍王甲建持波

宙二

十一

五帝龍王玄明之靈生化洞淵飛行紫清總  
領真仙太上神兵麾幢鼓節遊觀杳冥自號  
赫奕諸天應機上天度人泉臺散開神王受  
命普度災危玄獸吐毒神龍八馳玉甲秉鉞  
青童執旗擲火萬里流光四施敢有干試拒

遏上聖風刀奔突巨天橫飛流鈴交煥玄仙  
振威千千截首萬萬滅形魔無干犯鬼無祆  
精三官此艷明立嚴刑不得容隱金馬驛呈  
普告無窮萬神咸聽三界五帝列奏太清  
玄化九變洞極圓方生育神龍持運陰陽與  
道同範體正純剛廣羅天闕妙立無形造化  
之本雲雨所藏真水九淵回度元網渺渺曆  
劫混沌之中上玄爲色下河爲淵風轉玉輪  
威光戴天一身九首蟠遶群京蒼源瑤海龍  
嶽飛城天上天下無幽無冥洋洋洞淵萬龍

斯官雲書玉宇元始赤文保鎮下元護世長  
存龍漢彌羅黃闕開張玄明流演九地九天  
輪轉色羅旋遶十方履水結纏導化五常三  
十九氣昇降玉源九宮列職合會玄玄玄居  
太微龍帝飛真泛景碧融執詠洞篇玉真明  
耀輝映玄明空華御正純金散烟紫霄鬱陵  
輔衛高仙千和萬合化生流精流精變液自  
然成真真中有神長生大君東極青華丹明  
紫靈無英混極白元保生太一校籍青童灌  
津執符把籙保命生根上遊紫虛出入華房

八溟之內東井之中下鎮人身黃庭絳淵中  
理五氣混合百神十轉迴靈萬品俱仙仙道  
貴生無量度人上開八門飛天法輪罪福禁  
戒宿命因緣普受玄澤結鍊生身身得受生  
上聞諸天諸天之上各有生門中有空洞謠

宙二

十二

歌之章真王靈篇辭參高真

第一玄明洞淵飛空之音

真陽無形

憑玄明生

玄明真露

氣噓乃成

太空無邊

元氣騰烟

氤氲迅飛

水降如泉

浩浩其聲

洋洋積淵

炎風入水

自然蜿蜒

數經九曆

鱗角乃全

倏忽變化

入地通天

口銜雲雨

身如玉螭

叱電吐霧

雷火之仙

經營萬物

開導生源

玄明之功

神龍為先

洞淵溟海

注納百川

一水為祖

中含五行

人身法象

神池淨露

震氣為龍

遊泳三田

飛伏以道

世壽億千

無量度人

吟此洞篇

第二玄明洞淵真王之章

玉京崑崙

植空為根

下跨碧海

九億之元

玄峯中峙

日月交軒

耀晶雙景

臨光七真

流泉上升

三十九門

養鍊二象

賴此玄明

下包黃闕

統制靈官

圓羅降氣

廿二

攝御元君

一氣六纏

三元化成

出入三華

浩蕩風淵

綠霞鬱壘

流鈴四奔

生化之道

肇立神靈

哺餌元和

保天無傾

世有能知

青簡書名

我今為此章

度命以真水

十三

飛步登神霄

仙真當敬禮

第三玄明洞淵真王歌曰

揚舲洞淵池

青林振靈風

天聲自成音

萬變復以同

戔戔神霄闕

執誥東華中

度人迴清流

捨此百慮攻

玄明散天露

物體能滋融

鍊骨生玉華

長生得無憂

如何背仙道

濁穴隨尸蟲

不悟大道元

安能免衰凶

有山旋碧虛

有水藏神龍

胡為逐貪競

沈穢老嬰童

我位空洞王

法駕嚴鼓鐘

憫世統大憲

救物興教宗

執詠玉真謠

飛昇洞玄宮

八難從此解

歡樂永無窮

此三界之上飛空之中真王歌音音參洞章  
誦之百遍名度南宮誦之千遍飛仙保迎萬  
遍道備超昇太空過度三界位登真公有聞

靈音魔三敬形勅制地祇侍衛送迎拔出地  
戶五苦八難七祖昇遷永離冥官寬度朱陵  
受鍊更生是謂無量普度無窮有祕上天文  
諸天共所崇泄慢墮地獄禍及七祖翁  
道言此二章並是諸天上帝及至靈真王隱

祕之音妙寂無形真水化成天地出生神龍  
兆能體之神仙無終皆是大梵之言非世上  
常辭言無韻麗曲無華宛故謂玄奧難可尋  
詳上天所寶祕於玄都神霄玉清王府東華  
之室依科三萬七千年隨運下傳若有至人

留二

十四

齋金寶質心依舊格告盟十天然後而付焉  
道言夫天地運度否終日月五星虧盈至聖  
神人休否末學之夫疾傷凡有此災同氣皆  
當齋心修齋六時行香十遍轉經福德立降  
消諸不祥無量之文普度無窮

道言夫末學道淺或仙品未充運應滅度身  
經太陰臨過之時同學至人爲其行香誦經  
十過以度屍形如法則玄明自生玄冥自還  
腎中玉女手把陽關死戶閉塞三官舞輪返  
命復形錄名帝軒蒐神徑上南宮隨其學功  
計日而得更生輪轉不惑便得神仙  
道言夫天地運終星宿錯度日月失昏四時  
失度陰陽不調國境不和人民災饉疫毒流  
行兆庶死傷師友命過同志殞亡皆當修齋  
行香誦經夫齋戒誦經功德甚重上消天災

保鎮帝王下襮毒害以度兆民生死受賴其  
福難勝故曰無量普度天人

道言凡有是經能為天地帝主兆民行是功  
德有災之日發心修齋燒香誦經十過皆諸  
天記名萬神侍衛右別至人剋得為聖君金

宙二

十五

闕之臣諸天記人功過毫分無失天中真王  
亦保舉爾身得道者乃當洞明至言也  
諸天中大梵隱語無量音  
元始玄明洞淵靈書紫篇

道君譔

東方八天

迨芹洒定

淵婁池溟

既霸汚洩

留青濟真

唐屏卞師

邀除止明

鬱落月肌

胡定香征

命澤玄嶽

列淵自昇

雲茶帝嶼

利賓延承

洞假幽狄

越英仰靈

鑄晶漾口

道家元經

南方八天

猛洪滋盈

力羗華營

建浦時會

洙玄伺膺

綠養漸宛

被盧次丁

蕩蒙愈謹

玉毫途平

赤宮赫蘇

元首氣靈  
告命艷臺  
帝師虎臣

祕魔截龍  
撲雷收星  
研期胡由

並愆思稱

西方八天

真庚六池  
神虎四飛  
栗洛衍覩

優正兵施  
部亶吉會  
耶帑露源

媾媯和廬  
七元九司  
考謝已扁

傲琅表棐  
主典罪寬  
幽肩圓登

頂角珍上  
護真載延  
窈斷皇極

璽山封城

北方八天

蓬內伐北

旗翟過車

翠儀交蔚

九化方諸

英丹心漑

滂潢玉羅

根納赤尾

火龍游波

勝室耀蕩

兵府紀銅

黑遼追寧

建餘百聰

宙二

十六

后爛水洞

潘桓箕臺

勅催轡尚

變仙神迴

道言此諸天中大梵隱語無量之音舊文刻  
書玄明北山龍阿穴室之門為萬物生根九  
天靈章其道禁諱隱奧無聞字皆廣長一丈

天真皇人昔書其文以爲正音有知其音能  
齋而誦之者諸天皆遣飛天神王下觀其身  
書其功勤上奏諸天萬神朝禮地祇侍門大  
功真王保舉上真道備剋得遊行三界昇入  
金門此音無所不辟無所不禳無所不度無  
所不成天真自然之音也故誦之致飛天下  
觀上帝遙唱萬神朝禮三界侍軒群袂束首  
鬼精自亡琳琅震響十方肅清河海靜默山  
嶽吞烟萬靈振伏招集群仙天無氛穢地無  
袂塵冥慧洞清大量玄玄也

元始無量度人上品妙經卷之五十二

宙二

十七廿



